

nunc habet Martinus Muczow, Johannes Goch vicariae beatae Mariae virginis circa tumbam sancti Bennonis, Stephanus Mõir vicariae sancti Andreae. Theodericus de Cruzeburg confert vicariam sanctae Annae.

Nach dem Orig. im Stiftsarchiv zu Meissen mit dem Siegel des Capitels an einem Pergamentstreifen.

No. 905. 1421. 22. Dec.

*Jan von Köckeritz und dessen Söhne Poppo und Fritz verkaufen an B. Rudolf ihre Zinsen und Renten zu Fischbach.*

Ich Jan von Kakericz, Poppe vnd Fritze myne sone bekennen —, das wir mit guter wissenschaft vnde vorrate vnser frunde dem ernwirdigen — hern Rudolffe bisschoue zcu Miessin vnserm gnedigen herren vnde allin synen nachkomenden bisschouen alle vnser czinse vnde renten an gelde, getreide, eyern vnd hunern in dem dorffe vnde gute zcu Fischpach nemlich mit allir syner czugehorunge, gerichtin vnde rechtin, wie das gelegin ist in synen fyr reynen, vnde in allir masse als wir das von dem genanten — bisschoff Rudolffe vnd synem goczhawsse in lehn empfangin vnd besessin habin keyns vsghlossen, recht vnde redelich vorkaufft vnd em das vor firzig schog behemisschir grosschin prager munteze vnde polnisscher czal habin gegeben vnde uffgelossen. Die summe geldis er vns itczunt nuczlich vnde wol czudancke ganz vnde gar bezalit vnde gereicht hat — vnde glabin em dy guter zcu Fischpach mit allin iren czugehorungen zcu geweren an allirleie rechte ansproche, als das ym lande gewanlich vnde recht ist —. Vnde ab ymandis die vrogenanten czinse renten vnde guter zcu Fischpach ansprechin vnde anlangin walde mit rechte, des glabin wir egenanten Jan, Poppe vnde Fritze von Kakericz sachwaldigen, mit vns vnde vor vns der gestreng Hans von Grisslaw zcu Ditersbach gesessin als eyn burge mit gesamptir hant die mergenanten czinse vnde guter — gein eynen ydermanne — zcu geweren vnde entuern als recht ist, vnde eyn sulch ansproch — uff vnser eigen ezerunge vnde kost ganz vnde volkomlich zcu benemen. Weris sache, das wir daran sumig wurden vnd des ansprochs als obengeschrieben stehit nicht benemen, so glaben wir vrogenante sachwalden vnd burge, alsse schire wir — irmanit werdin, wie vffte sich das verlyffe, keyner sich mit dem andirn zcu schutczin, ynczuriten in eyns erbern gastgebin hus gein Juckrim adir Bisschoffwerde, yn welchir der stete eyne wir werdin vermanit, yderman mit czweien pferdin vnde eynem knechte adir eynem andirn erbern also ynczusendin, ynne czulegenne vnde ynlegir zcu leisten als ynlegers recht ist vnde darvss in keynermasse zeukomen, wir habin denne den genanten vnsern herren adir syne nachkomelinge des ansproches entlediget vnde ganz vnde gar ane schadin benomen vnde der guter vnde czinse zcu Fischpach, als ym lande recht ist, gewerit. Das wir u. s. w., des zcu bekentnisse — habe ich vrogenanter Jan vor mich, Poppen vnde Fritzen myne sone sachwalden vnde Hans von Grisslaw burge vnser ingesigile an dissin briff lossen hengin, der gegeben ist nach Cristi geborten firezenhundirt jar dornach in dem eyn vnde czwenzigisten jare am mantage nach sente Thomas tage des czwelffboten.

Nach dem Orig. im K. Haupt-Staatsarchiv zu Dresden mit den Siegeln des Jan von Kokericz und Hans von Grisslaw an Pergamentstreifen.